

Akashvani, Sambalpur

SAMBALPURI NEWS BULLETIN

26 August 2024- 6.47- 6.52 am.

ମନ୍ କି ବାତ୍ ଆରଂଭ/ କଟକ

ମହାକାଶ୍ କ୍ଷେତ୍ର ନ ସଂସ୍କାର କରିବ ଦେଶର ଯୁବବର୍ଗ ଉପକୃତ ହେଉଛନ୍ ବଳି ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ କହିଛନ୍ । ଆକାଶବାଣୀର ମନ୍ କି ବାତ୍ କାର୍ଯ୍ୟକ୍ରମ ଥି ଦେଶବାସୀଙ୍କୁ ସମୋଧିତ କରିକରି ପ୍ରଧାନମନ୍ତ୍ରୀ କହିଛନ୍ ଯେ, ଗଲା ୨୩ ତାରିଖ ଦିନ ଦେଶବାସୀ ପହେଲା ମହାକାଶ୍ ଦିବସ ପାଳନ କରିଥିଲେ । ତନ୍ତର ଦକ୍ଷିଣ ମେରୁ ନ ତନ୍ତରାଣ-୩ ର ସଫଳ ଅବତରଣ ଉତ୍ତରୁ ଭାରତ ପୁରୁଥ ନ ଇ ସଫଳତା ହାସଲ କରୁବାରୁ ପହେଲା ରାଷ୍ଟ୍ର ହେବାର ମାନସତା ପାଇଛେ । ମହାକାଶ୍ ଇକୋ ସିଷ୍ଟମ୍ ଅବତରଣ ଗତିଶୀଳ ହେଉଛେ ବଳି ସେ କହିଛନ୍ ।

‘ହର ଘର ତ୍ରିରଙ୍ଗା’ ଅଭିଯାନ ବାବଦେ ପ୍ରଧାନମନ୍ତ୍ରୀ କହିଛନ୍ ଯେ, ଇ ଅଭିଯାନୁ ଦେଶର ଭିନ୍ ଭିନ୍ ପ୍ରାନ୍ତର ଲୁକେ

ବହୁତ୍ ସଂଖ୍ୟାଥୁ ସାମିଲ୍ ହେଇକରି, ଇତାକେ ଗୁଟେ ସାମାଜିକ୍ ପରବ୍ଧୁ ପରିଶତ୍ କରିଥିଲେ ।

ଇହାଦେ ବର୍ଷାପାଏନ୍ ସାଇତିବାର୍ ଆଉ ‘ଏକ୍ ପେଡ୍ ମା କେ ନାମ୍’ ଅଭିଯାନ୍ଥୁ ଅଏତ୍କା ନୁ ଅଏତ୍କା ସାମିଲ୍ ହେବାର୍କେ ଦେଶର୍ ଲୁକ୍କୁ ପ୍ରଧାନମନ୍ତ୍ରୀ ଆହ୍ମାନ୍ ଦେଇଛନ୍ ।

ଲକ୍ଷପତି ଦିଦି ଓଡ଼ିଶା

ଆର୍ଏନ୍ୟୁ / ସମ୍ବଲପୁର

ମିଶନ୍ ଶକ୍ତି ଦେଶର୍ ମହିଳାମାନ୍କୁ ଆତ୍ମନିର୍ଭର୍ ଆଉ ସଶକ୍ତ କରବାର୍ ସ୍ବପ୍ନର୍ ବାର୍ତାବହ ହେଇଛେ । ଦେଶର୍ ସାମାଜିକ୍ ଆଉ ଅର୍ଥନୈତିକ୍ ତାତାଥୁ ନାରୀଶକ୍ତିର୍ ଭୂମିକାକେ ସ୍ବାକୃତୀ ଦେବାର୍ ଲକ୍ଷ୍ୟଥୁ ପ୍ରଧାନମନ୍ତ୍ରୀଙ୍କର୍ ମହତ୍ବାକାଂକ୍ଷୀ ଲକ୍ଷପତି ଦିଦି ଯୋଜ୍ନାର୍ ଶୁଭାରମ୍ଭ ହେଇଛେ । ପ୍ରଧାନମନ୍ତ୍ରୀ ଗଲାକାଏଲ୍ ମହାରାଷ୍ଟ୍ରର୍ ଜଲ୍ଗାଓଠାନେ ୧୧ ଲାଖ୍ ନୂଆଁ ଲକ୍ଷପତି ଦିଦିଙ୍କୁ ପ୍ରମାଣପତ୍ର ଦେବାର୍ ସହେତେ ସମ୍ବର୍ଦ୍ଧିତ୍ କରିଥିଲେ । ଓଡ଼ିଶାର୍ ପ୍ରତି ବୁକ୍ ନ ହେଇଥିବା ସମ୍ବର୍ଦ୍ଧନା କାର୍ଯ୍ୟକ୍ରମ୍ଥୁ ୧ ଲାଖ୍ ସ୍ବୟଂ ସହାୟକ ଗୋଷ୍ଠୀର୍ ସଦସ୍ୟାଙ୍କୁ ପ୍ରମାଣପତ୍ର ସହେତେ ସମ୍ମାନିତ୍ କରାଯାଇଛେ । ୨୦୨୪-୨୫ ଆର୍ଥିକ୍ ବର୍ଷ୍ରେ ୧୬ ଲାଖ୍ ଲକ୍ଷପତି ଦିଦି ଗଡ଼ବାର୍ ଲକ୍ଷ୍ୟ ଧାରିକ୍ ହେଇଛେ । ଉଦ୍ୟୋଗିତା, ଦକ୍ଷତା ବଡ଼ାବାର୍ ଆଉ ଦରକାରୀ ସମ୍ବଲ୍ପର

ବ୍ୟବସ୍ଥାକେ ତହଁକାବାର୍ ଲାଗି ଗାଁ ଗହଲ୍‌ର ମହିଳାମାନଙ୍କର
ଲୁକ୍କାୟିତ ଦକ୍ଷତାକେ ଲୋକଲୋଚନକେ ଆନୁବାରଣା ଭିଲ୍ ଇ
ଯୋଜନାର୍ ଲକ୍ଷ୍ୟ ଆଏ ।

ମୁଖ୍ୟମନ୍ତ୍ରୀ ଅଭିଯୋଗ୍ ଶୁଣାଣି ବନ୍ଦ୍ ଆରବନ୍ଦ୍/
ସମ୍ବଲପୁର

ଭୁବନେଶ୍ୱର ଓ ନୟର ମୁନିର୍ ନ ଥିବା ମୁଖ୍ୟମନ୍ତ୍ରୀଙ୍କର
ଅଭିଯୋଗ୍ ପ୍ରକୋଷ୍ଟ ନ ଆଏଜ୍ ଜନ୍ମାଷ୍ଟମୀ ଛୁଟି ଲାଗି
ଜନଶୁଣାଣି ବନ୍ଦ୍ ରହେବା । ଇ ବାବଦେ ସାଧାରଣ୍ ପ୍ରଶାସନ୍
ଆଉ ସାଧାରଣ୍ ଅଭିଯୋଗ୍ ବିଭାଗ୍ ତରଫୁ ସୂଚନା
ଦିଆଯାଇଛେ ।

ସଚିବ- ଜିଲ୍ଲାଗସ୍ତ୍ ଆରବନ୍ଦ୍ / ସମ୍ବଲପୁର

ଭିନ୍ ଭିନ୍ ସରକାରୀ ଯୋଜନାର୍ କାର୍ଯ୍ୟକାରିତା ଆଉ ତାର୍
ଅନୁଧାନ୍ ଲାଗି ସଚିବ ମାନକୁ ଜିଲ୍ଲାଗସ୍ତ୍ ଯିବାର୍ ଲାଗି ମୁଖ୍ୟ
ଶାସନ୍ ସଚିବ ମନୋଜ୍ ଆହୁଜା ନିର୍ଦ୍ଦେଶ୍ ଦେଇଛନ୍ । ସରକାରୀ
କାର୍ଯ୍ୟକ୍ରମ୍ ପରିଚାଳନା ଆଉ ବ୍ୟବସ୍ଥାଥ୍ ପାରଦର୍ଶିତା

ଆନ୍ଦାର୍ ଲାଗି ନୂଆଁ ବୈଷୟିକ ଜ୍ଞାନ କୌଶଲ୍ ଲାଗୁ କରବାର୍ ଲାଗି ଭିଲ୍ ସେ ପରାମର୍ଶ ଦେଇଛନ୍ । ସଚିବ ମାନେ ମାସକ କମ୍ପେକମ୍ ୨ ଦିନ୍ ଜିଲ୍ଲାଗସ୍ତ୍ ଯାଇକରି ସରକାରୀ ଯୋଜନାର୍ ତଥ୍ୟ ଅନୁଧ୍ୟାନ କଲେ ଉପଯୁକ୍ତି ନିଷ୍ପତି ନେବାର୍ଥ୍ ସାହାଜ୍ କରବା । ଇତାର୍ସହେତେ ସାଧାରଣ୍ ଲୁକ୍କୁ ସରକାରୀ ସେବା ଠିକ୍ କରି ମିଲୁଛେ କି ନାହିଁ , ସେ ବାବ୍ଦେ ପରରେଇକରି ବୁଝ୍ବେ ବଲି ମୁଖ୍ୟଶାସନ୍ ସଚିବ କହିଛନ୍ ।

ହାତୀ ସୁରକ୍ଷା ଆରବନ୍ଧୁ / ସମ୍ବଲପୁର

ହାତୀମାନକର୍ ସୁରକ୍ଷା ଲାଗି ପେଟ୍ରୋଲିଂ ଜୋରଦାର୍ କରବାର୍କେ ମୁଖ୍ୟ ବନ୍ୟପ୍ରାଣୀ ସଂରକ୍ଷକ - ପିସିସିଏପ୍ ସୁଶାନ୍ତ ନନ୍ଦ ସବୁ ସ୍କାଡ୍କେ ନିର୍ଦ୍ଦେଶ୍ ଦେଇଛନ୍ । ସ୍କାଡ୍ ମାନକର୍ ମାସକିଆ ରିପୋର୍ଟ ଦାଖଲ୍ କରବାର୍ ଲାଗି ଭିଲ୍ ସେ ଡିଏପ୍ଓ ମାନକ୍କୁ କହେବାର୍ ସହେତେ ସ୍କାଡ୍କେ ଅଏଡକା ସକ୍ରିୟ କରବାର୍ ଲାଗି ସବୁ ଆଂତଲିକ୍ ସିସିଏପ୍ ମାନକ୍କୁ ଚିଠି ଲେଖା ଯାଇଛେ । ଗଲା ଆର୍ଥିକ୍ ବଛରର ଆରମ୍ଭନ୍ ଇହାଦେତକ୍ ୪୦ ନୁ ଅଏଡକା ହାତୀକର୍ ମୃତ୍ୟୁ ହେଇଛେ । ବନ୍ୟତଲ୍ ଆଉ ବନଖଣ୍ଡମାନକେ ଥୁବାର୍ ସ୍କାଡ୍ମାନକ୍କୁ ଠିକ୍ନା ଜାଗାଥ୍ ମୁତୟନ୍

କରବାର ଲାଗି ଭିଲ୍ ଚିଠି ଡିଭର୍ଜେଣ୍ଟ ଦିଆଯାଇଛି । ହେତୁ
ଆଉଟ୍‌ସୋର୍ସିଂ ଜରିଏ କାମ୍ କରୁଥିବା ସୁରକ୍ଷା କର୍ମୀମାନଙ୍କୁ, ଠିକ୍
କାମ୍ କରୁଥିଲେ କାର୍ଯ୍ୟକୁ ନିବୃତ୍ତ ନାହିଁ କରବାର ଲାଗି ଭିଲ୍
ରାଜ୍ୟ ବନ୍ୟପ୍ରାଣୀ ମୁଖ୍ୟାଳୟ ତରଫୁ ଆଂତରିକ୍ ସିସିଏଫ୍
ମାନଙ୍କୁ ଚିଠି କୁହାଯାଇଛି ।

ଜନ୍ମାଷ୍ଟମୀ ଆରବନ୍ଧୁ ସମ୍ବଳପୁର

ଆଏଜ୍ ପବିତ୍ର ଜନ୍ମାଷ୍ଟମୀ । ପୁରାଣ ଶାସ୍ତ୍ର ଅନୁସାରେ ଭୁଦୋ
ମାସର ଅକ୍ଷର ପଖର ଅଷ୍ଟମୀ ତିଥି ନ ଭଗବାନ ଶ୍ରୀକୃଷ୍ଣ ପୁରୁଥି
ନ ଜନମ୍ ହେଇଥିଲେ । ଶ୍ରୀକୃଷ୍ଣଙ୍କର ପବିତ୍ର ଜନ୍ମ ଉତ୍ସବ୍ ସାରା
ଦେଶେ ପାଲିତ୍ ହେଉଛି । ପୁରୀ ଶ୍ରୀମନ୍ଦିର ସହେତେ ରାଜ୍ୟର
ସବୁ ଶ୍ରୀକୃଷ୍ଣ ମନ୍ଦିରମାନଙ୍କେ ପୂଜାଅର୍ଚ୍ଚନା କରାଯାଉଛି ।
ଭକ୍ତମାନେ ଆଏଜ୍ ଉପାସ୍ କରିକରି ଜନ୍ମାଷ୍ଟମୀ ପାଳନ୍
କରୁଛନ୍ ।

ଶ୍ରୀମନ୍ଦିର ଜନ୍ମାଷ୍ଟମୀ ଆରବନ୍ଧୁ / ସମ୍ବଳପୁର

ପୁରୀ ଶ୍ରୀମନ୍ଦିର ନ ଜନ୍ମାଷ୍ଟମୀ ଲାଗି ଜବର ତୟାରି ହେଇଛି । ଗଲାକାଏଲ୍ ସଞ୍ଜବେଳେ ଆଲତୀ ସମିଆଥି ଶ୍ରୀଜୀଉଙ୍କୁ ଛଅମୂର୍ତ୍ତି ଅଲଙ୍କାର ଲାଗି କରାଯାଇଥିଲା । ସନ୍ଧ୍ୟାଧୂପ ଉତ୍ତରୁ ମାହାପୁରୁଙ୍କର ପାଶେ ଯେଉଡ଼ ଭୋଗ ଲାଗି କରାଯାଇଥିଲା । ମୁଦିରସ୍ତ ସେବାୟତମାନେ ମହାପ୍ରଭୁଙ୍କର ଶ୍ରୀଅଙ୍ଗଥି ପ୍ରସାଦ ଲାଗି କରିଥିଲେ । ଇତାରୁତ୍ତରୁ ପୂଜାପଣ୍ଡା ସାମନ୍ତ ପଂଚୋପଚାରଥି ପୂଜା କରିଥିଲେ । ତିନୁହିଁ ବାଡ଼ ନ ବନ୍ଦାପନା ଉତ୍ତରୁ ମାହାପୁରୁଙ୍କର ବାଡ଼ଥି ଅଏତକା ଗୁଟେ ବନ୍ଦାପନା କରାଯାଇଥିଲା । ଆଏଜ୍ ଶ୍ରୀମନ୍ଦିର ନ ଜନ୍ମାଷ୍ଟମୀ ଅବସରେ ଶ୍ରୀକୃଷ୍ଣ ଜନ୍ମ ବିଧି ଅନୁଷ୍ଠିତ ହେବା ।

ଡ୍ରାଇଂ ଟ୍ରେନିଂ କେନ୍ଦ୍ର ଆରଏନ୍ୟୁ / ସମ୍ବଲପୁର

ବ୍ରହ୍ମପୁର ଠାରେ ଥିବାର ଡ୍ରାଇଂ ପ୍ରଶିକ୍ଷଣ ଆଉ ଗବେଷଣା ସଂସ୍ଥାନର ପହେଲା ବାର୍ଷିକ ଉତ୍ସବ ହେଇଯାଇଛି । ଇଥି ମୁଖ୍ୟଆ କୁନ୍ଦୁଆଁ ଭାବେ ଯୋଗ ଦେଇକରି ବାଣିଜ୍ୟ ଆଉ ପରିବହନ ମନ୍ତ୍ରୀ ବିଭୂତି ଭୂଷଣ ଜେନା ଦୁର୍ଦ୍ଦିଗଣାକେ କମାବାର ଲାଗି ବିଭାଗର କାର୍ଯ୍ୟକ୍ରମ ଆଉ ସୁବାହକ୍ ପ୍ରଶିକ୍ଷଣ କାର୍ଯ୍ୟକ୍ରମ ବାବଦେ ସୂଚନା ଦେଇଥିଲେ । ଇହାଦେତକ୍ ୫ ହଜାର ନୂଆଁ

ଭ୍ରାତୃଭୃତ୍ ଆର୍ ଇହାଦେର୍ ୨୨ ହଜାର ଭ୍ରାତୃଭୃତ୍ ବଶାଇ,
ଛତିଆ, କେନ୍ଦୁଝର ଆର୍ ବ୍ରହ୍ମପୁରର ପାଲୁରଠାନ୍ ପ୍ରଶିକ୍ଷଣ
ପୁରା କରିଛନ୍ । ଇମାନକର୍ ଭିତ୍ରୁ ବହୁତ୍ ଝନ୍ ଖାଲି ଦେଶ୍
ନୁହେଁ ବିଦେଶ୍ ନ ଭିଲ୍ ନିଯୁକ୍ତି ହାସଲ୍ କରିଛନ୍ ବଲି ବାଣିଜ୍ୟ
ଆଉ ପରିବହନ୍ ମନ୍ତ୍ରୀ କହିଥିଲେ ।

ପୁର୍ବଲ୍-ନୂଆପଡ଼ା ଆର୍ଏନ୍ୟୁ / ସମ୍ବଲପୁର

ନୂଆପଡ଼ା ଜିଲ୍ଲା ମିନି ଷ୍ଟାଡ଼ିୟମ୍ ଠାନ୍ ହେଇଥିବାର୍ ୭ ନମ୍ବର
ଜିଲ୍ଲା ପୁର୍ବଲ୍ ଟୁର୍ଣ୍ଣାମେନ୍ଟ୍ ନୂଆପଡ଼ା ଏନ୍ଏସି ଦଲ୍ ଚମ୍ପିଆନ୍
ହେଇଛନ୍ । ଗଲାକାଏଲ୍ ଫାଇନାଲ୍ ଖେଲ୍ଥି ନୂଆପଡ଼ା ଟିମ୍ ୧-
ଶୂନ୍ ଗୋଲ୍ଥି ବୋଡ଼େନ୍ ଏକାଦଶକେ ହରେଇଥିଲେ ।

ପାଣିପାଗ ଆର୍ଏନ୍ୟୁ/କଟକ

ଉତ୍ତର ବଙ୍ଗୋପସାଗର ନ ବନିଥିବାର୍ ପୂର୍ଣ୍ଣିବଲୟ ଆଏଜ୍
ଲଘୁଚାପ୍ ରୂପ୍ ନେବା ବଲି ପାଣିପାଗ ବିଭାଗ୍ ତରଫୁ
କୁହାଯାଇଛେ । ପୂର୍ଣ୍ଣିବଲୟର ବଲେ ରାଜ୍ୟର ବଡ଼ଭାଗୀ ଜିଲ୍ଲା
ନ ବର୍ଷା ଜାରି ରହିଛେ । ସମ୍ବଲପୁର, ସୁନ୍ଦରଗଡ଼, ଦେବଗଡ଼,

ଝାରସୁଗୁଡ଼ା, ଅନୁଗୁଳ, କେନ୍ଦୁଝର, ଢେଙ୍କାନାଳ ଆଉ
ମୟୂରଭଞ୍ଜ ଜିଲ୍ଲାର କେତେଗା ଜାଗା ନ ଆଏଇ ଜବର ବର୍ଷା
ହେବା ବଳି ଅନୁମାନ କରାଯାଇଛି ।